

# КАНОН ПЕРЕД КАЗАНСКОЙ ИКОНОЙ ПРЕСВЯТОЙ БОГОРОДИЦЫ

*Память празднуем 22 октября (4 ноября)*

## Тропарь, глас 4-й

Заступнице Усердная, Мати Господа Вышняго, за всех молиши Сына Твоего Христа Бога нашего и всем твориши спастися, в державный Твой покров прибегающим. Всех нас заступи, о Госпоже Царице и Владычице, иже в напастех и скорбех, и в болезнях, обремененных грехи многими, предстоящих и молящихся Тебе умиленною душею и сокрушенным сердцем, пред пречистым Твоим образом со слезами, и невозвратно надежду имущих на Тя избавления всех зол, всем полезная даруй и вся спаси, Богородице Дево: Ты бо еси Божественный покров рабам Твоим.

## Канон, глас 4-й

### Песнь 1

*Ирмос:* Отверзу уста моя и наполнятся Духа, и слово отрыгну Царице Матери, и явлюся, светло торжествуя, и воспою, радуясь, Тя чудеси.

*Припев:* Пресвятая Богородице, спаси нас.

Благоговéют Ти, Богородице, Ангелов начальницы, и святых чини чéстно служат, праведнии красуются, Небесных Ходатаицу блажат Тя. Купно же и земля и Небо в веселии светло восхваляют Тя, и мы, грешнии, милости просим: озари наша сердца, Владычице, воспéти песнь святая Твоея иконы явлению.

Пресвятая Богородице, спаси нас.

Приидите, соберитесь, христоименити людие, умы тайно очистишеся, во Святую Церковь Матере Христа Бога нашего: источает бо нам неоскудно от святых икон источник духовен, целебен душам и телом, песнь вопиющим; благословен из Тебе рождется Бог наш.

Слава: Дивит, Пренепорочная, и ужасает всяк слух странно чудо Божественного Твоего Рождества: како Херувимскаго Творца зачала еси; како Огнь нестерпимый во утробе носила еси; како Сущую Жизнь плотию облекла еси и Жизнь всему миру родила еси, Бога купно и Человека.

И ныне: Под кров Твой, Дево Госпоже прибегаем вси роди человечести: просвети ны светом Рождества Твоего, грешныя рабы Твоя, молящияся прилежно и кланяющияся пречистой Твоей иконе, просяще от Тебе прияти великия милости.

### Песнь 3

*Ирмос:* Твоя песнословцы, Богородице, Живый и Независтный Источниче, лик себе совокупльшия, духовно утверди, в Божественней Твоей славе венцев славы сподоби.

Пресвятая Богородице, спаси нас.

Кую Ти достойную похвалу наше принесет конечное неможение, яко явлением

пречистыя Твоея Божественныя иконы незавѣстныя источники целѣбныя источаеши вѣрно прибегающим к Тебѣ рабѣм Твоим.

Пресвятая Богородице, спаси нас.

Божественныя Твоея иконы святое явление, Богородице Дѣво, яко светозарное возсия нам солнце, преславных чудес лучи пуцаючи, тьмы лютых обстояний отгоняючи священными Твоими, Владычице, предстательствами.

Слава: Исполнила еси благодати иногда первописанную Твою икону, Госпоже Дѣво Богородице, и ныне та же благодать истинствует сиянием веры чудес, яко тоя ради первописанная, ко спасению вѣрно к Тебѣ по Бѣзе прибегающим.

И ныне: Поклоняемся, Богородице, Твоему пречистому образу и пресладкому Твоему Младенцу, Превѣчному и Незаходимому Свету, Христу, Имже спасла еси от лютых зол и тления смертнаго все человеческое естество.

Господи, помилуй (*трижды*). Слава, и ныне:

### Седален, глас 8-й

Божественнии Слова Апостоли, Евангелия Христова велегласнии вселенныя благовѣстницы, Божественную Церковь создавшие в пресвятое Твое имя, Богородице, и к Тебѣ, Госпоже, приходят, моляще Тя прийти на тоя освящение. Ты же, о Богомати, рекла еси: идите с миром и аз с вами тамо есмь. Они же, шедше, обретают тамо на стене церкви Твоего, Владычице, образа подобие, Божественною писано силою шаровными подобии, и, видевше, поклонишася Ти и прославиша Бога. С нимиже и мы Божественней Твоей поклоняемся иконе, просяще от Тебѣ великия милости: даруй согрешений оставление рабѣм Твоим, Единая Благословенная.

### Песнь 4

*Ирмос:* Седяй в Славе на Престоле Божества во облаце легце, прииде Иисус Пребожественный Нетленною Дланию и спасе зовущия: слава, Христе, силе Твоей.

Пресвятая Богородице, спаси нас.

Почтим, людие, Чистыя в чистоте икону Дѣвы Богородицы и Тоя Божественнаго Младенца, Христа Бога нашего, и лобызаем и прославляем со страхом и трепетом: почитаем бо икону благочестно, паче же почитаем Самую Тую сущую Чистую Богоматерь.

Пресвятая Богородице, спаси нас.

Давид, Божественный и чудный пророк, издалеча провидя, глагола: лицу Твоему помолятся богатыи людие. Мы же, вернии, поклоняемся и лобызаем честную икону, душами купно и телесы освящаемы.

Слава: Евангелия Христова Богогласный писатель Лука Божиим мановением всенепорочный Твой нарисует образ, Богородице, и Младенца Превѣчнаго на руках Твоих вообразив, к немуже притекающия напастей и бед избавляеши, и вся покрываеши, и спасаеши Твоею Милостию.

И ныне: Ты еси похвала и венец святым всем, о Царице! Ты упование наше и Помощница по Бѣзе, и на Тя надежду спасения нашего возложихом вси. Тебе молимся, яко Божии Матери: одожди грешным рабѣм Твоим богатыя Твоя душеспасительныя милости.

## Песнь 5

*Ирмос:* Ужасошася всяческая о Божественной славе Твоей: Ты бо, Неискусобрачная Дѣво, имела еси во утробе над всеми Бѣга и родила еси Безлѣтнаго Сына, всем воспевающим Тя мир подающая.

Пресвятая Богородице, спаси нас.

Всяко, Пречистая, существо воспѣти недоумѣет Тя, паче бо Горних умов превозвысилася еси, рождши непреступнаго и страшнаго Всецаря и Бѣга, но, яко Милостива и скорая человеком Помощница, вонми молению раб Твоих и даруй Твою помощь.

Пресвятая Богородице, спаси нас.

Идеже осенит благодать Твоя, Богородице, страхом исчезают дѣмони и разрушается злобозненное тех мечтание, бѣгают дуси темнии, радуется же верных все множество, Тебе песнь хвалю от сердца вопиюще: радуйся, Божественный покрове душ наших.

Слава: Безочесным сладкое зрение дается, глухим слышание, немым благоглаголанье, хромым хождение, прокаженным очищение, демонствуемым целомудрие и в болезнях сущим различных исцеление осенением Пречистыя Твоея, Богородице, иконы.

И ныне: Не умолчим никогдаже, Богородице, псалмы и песнями воспевати величия Твоя, Обрадованная: Бѣга бо воистинну воплотившагося родила еси, во спасение наше всемирное и избавление.

## Песнь 6

*Ирмос:* Божественное сие и всечестное совершающе празднество, Богомудрии, Богоматере, приидите, руками восплещим, от Нея рождагося Бѣга славим.

Пресвятая Богородице, спаси нас.

Божественнаго Твоего Рождества, Дѣво Госпожѣ, пребогатая благодать, юже древле изглашением предала еси пречистому Твоему образу, неоскудне действовать великая же и преславная во спасение на Тя надѣющимся.

Пресвятая Богородице, спаси нас.

Идеже прославляется святое имя Обрадованная Богородицы, тамо всяческих благих истощники проливаются; приидите в чистоте, человецы, се бо явление Божественная Дѣвы иконы скажет Царицы пришествие во спасение всех верных.

Слава: Целения болезней, отгнание же страстей и душепитательное спасение, грехов прощение и вечное избавление от пречистыя Твоея иконы, Владычице, верно приходяще приемлем, Богомати Всенепорочная.

И ныне: К Тебѣ, Госпожѣ, прибегают роди правверных, просят великия милости и приемлют неоскудно сущии в недужех исцеление, в страстях пременение, в печалех утешение. Источи и мне, Владычице, каплю душеспасительную, да со всеми и аз пою Твое величие.

Господи, помилуй (*трижды*). Слава, и ныне:

## Кондак, глас 8-й

Притецем, людие, к тихому сему и доброму пристанищу, скорой Помощнице, готовому и теплomu спасению, покрову Дѣвы, ускорим на молитву и потщимся на

покаяние: источает бо нам неоскудныя милости Пречистая Богородица, предваряет на помощь и избавляет от великих бед и зол благонравныя и Богобоящияся рабы Своя.

## Икос

Смысл очистивше и ум, притецем к Богородице, светло песньми убожающе Ю, и пречистую икону Ея прославляем и чтим, и, припадающе, покланяемся яко Самой сущей оной: честь бо иконы на Первообразное восходит, и почитаяй и покланяяйся ей почитает самое Первообразное, якоже Божественнии отцы рекоша. И аще кто не чтит Пресвятыя Богородицы и не покланяется иконе Ея, анафема да будет: посрамляет бо и погубляет не чтущия Ю, избавляет же от великих бед и зол благонравныя и Богобоящияся рабы Своя.

## Песнь 7

*Ирмос:* Не послужиша твари Богомудрии, паче Создавшаго, но, огненное прещение мужески поправше радовахуся, поюще: препетый отец Господь и Бог, благословен еси.

Пресвятая Богородице, спаси нас.

Приидите, почерпем отпущение от неистощимаго источника, точащаго святину Пречистыя Девы и Тоя Пречистаго Младенца, Божия Слова, нас ради вочеловечшагося. К Нему возопиим: Творче Избавителю, препрославленный со Отцем и Духом, Боже, благословен еси.

Пресвятая Богородице, спаси нас.

Неусыпную, Чистая, и Богоприятную имущи молитву, и непреодолеемую державу крепости, врагов наших дерзость, яже на ны, разори и выи их под нозе верному народу нашему низложити, да возвеселимся о Тебе, раби, Сыну Твоему вопиюще: отец наших Боже, благословен еси.

Слава: Радуемся и веселимся, вернии людие, чудному явлению иконы Пречистыя Владычицы Богородицы: река бо явися неисчерпаема, целебную воду точащи, слепым бо видети дает и глухим слышание, хромым хождение и всем сущим в недужех безмездное исцеление.

И ныне: Неиспытана глубина, неведомо таинство, непостижим образ, Дево, зачатия Твоего, зачатия без семени, без мужа рождество. Безплотный воплотися, Превечный младенствует, Сын Божий, Сын Тебе Девы, бывает, Емуже вопием: Боже, благословен еси.

## Песнь 8

*Ирмос:* Отроки благочестивыя в пещи Рождество Богородичо спасло есть, тогда убо образуемое, ныне же действующее, вселенную всю воздвизает пети Тебе: Господа пойте дела и превозносите Его во вся веки.

Пресвятая Богородице, спаси нас.

Ум Ангельский и человеческий ужасаете Богородице, како Бога Небеснаго, ложеснами объемши, воплотила еси, како, Младенца рождши, яко Сына на руку носиши Егоже ужасается тварь и трепещут Горнии Престоли, вопиюще непрестанно: Свят, Свят, Свят еси, Боже, препетый и превозносимый во веки.

Пресвятая Богородице, спаси нас.

Радуйся, сущая радости всего мира, со Архангелом Гавриилом вопиём Ти, Богородице; радуйся, вместительнице Невместимаго; радуйся, Благодатная, носило

Божества всего; радуйся, Адамово воззвание, с Тобою Господь, и Тебе ради с нами, спасая нас, Егоже поем и превозносим во веки.

Слава: Корень Иисеев освященный, корень греха нашего исторгнула еси; жезл Ааронов процветший, Жизнодателя цвета израстивши Христа; стамно манноприемная, смерти всю силу сокрушила еси и в породе жизни возвела еси род человеческий: темже Тя поем, добрых виновную.

И ныне: Ты похвала христианом еси, Владычице, Ты оружие на враги и стена к Тебе прибегающим. Ты и ныне на помощь призываем, Госпоже, не даждь врагом возвестися на люди Твоя, иже Тебе не хвалят, ни Сына Твоего, Богородице и Твоей иконе не кланяются: сих победи и души наша спаси.

## Песнь 9

*Ирмос:* Всяк земнородный да възграется, Духом просвещаемь, да торжествует же Безплотных умов естество почитающее священное торжество Богоматере, и да вопиет: радуйся, Всеблаженная Богородице, Чистая Приснодево.

Пресвятая Богородице, спаси нас.

Тебе, твердую Помощницу роду человеческому, Богородице Марие, лик пророческий многообразно провозвести, Сень Святую Небес Пространнейшую, Скрижаль Богописанную и Купину Неопалимую, Дверь Богопроходную, Гору же и Лествицу, и Мост, и Жезл процветший: мы же воистинну Богородицу Тя величаем.

Пресвятая Богородице, спаси нас.

Тайна глубины Рождества Твоего ум Ангельский ужасает, Дево, и пречистая икона демоны прогонит, и лица нечестивых омрачает, и в студ поревает: не терпят бо взирати на силу ея, бегают же и исчезают. Мы же любезно поклоняемся и лобызаем, и Ты Богородицу величаем.

Слава: Предстательница сущи неотступна к Вышнему Царю, яко имущи матерне дерзновение непостыдно, в мире глубоче православных житие утверди, и отечество наше возвыси, и вся полезная даруй всегда рабom Твоим, да Ты, Богородице, величаем.

И ныне: О Всемилостивая христианом Помощнице! Не может Ты воспети достойно ум человеческий и ангельский, яко всея твари честнейши, небесных и земных славнейши. Всех бо родила еси Творца и Бога. Но, о Владычице! Приими милостивно, Юже Тебе от сердца возложихом песнь, спасай нас всегда, на Тя бо надеемся.